

AKPA ODU-UWEM MMỌN̄

Ezekiel 47:1-12; Eriyarare 22:1-5.

ỌYQHỌ UKPEP-ŃKPO 409

Eke Ikpọ Owo

IKỌ IBUOT: “Edi owo ekededi eke ọnwọnde mmọn̄ emi Ami ndinọde enye idikopke nsat-itọn̄ aba: edi mmọn̄ oro ndinọde enye eyekabare edi idim mmọn̄ ke esit esie eke otopde akabare ọwọrọ edi nsinsi uwem” (John 4:14).

I Israel Ekpu Ke Ndiyere Ikot Abasi

Mmọ ema ekpọn̄ Abasi, idim mmọn̄ uwem, Jeremiah 2:12, 13.

Mmọ ekabare eda mme obube mmọn̄, Jeremiah 2:13, 26-28.

Se ikotibede ekedi, ema ebiat obio mmọ enyuñ efọp Itie-ukpono Abasi, 2 Chronicles 36:19.

II Uduak Abasi Ke Abaña Obio Ini-Iso Ke Ini Ukara Ke Tọsin Isua

Ezekiel ama okut ńkukut abaña obio, Ezekiel 40:2.

Etiñ ewut nte Itie-ukpono Abasi etiede, Ezekiel 41-46.

Idim-mmọn̄ Uwem ada uwem ye erikọk edi, Ezekiel 47:1-12.

III Mme Idim Mmọn̄ Uwem Eke Eti-mbuk

Eda erinyaña ukpọn̄ edomo ye “obube mmọn̄,” John 4:14; Isaiah 12:3.

Edinam-asana eyet kpukpru idiok-ńkpọ, 1 John 1:9; ńwed Mbon Ephesus 5:25-27.

Eda uduok-mmọn̄ Edisana Spirit edomo ye “akpa odu-uwem mmọn̄,” John 7:38, 39; Isaiah 44:3, 4.

Erikọk odu ke Iyip Ufak, Isaiah 53:5; Matthew 8:16, 17.

IV Obufa Enyọn̄ Ye Obufa Isoñ Ke Ini Tosin Isua Ama Ekebe

John ama okut Edisana obio, Jerusalem, Eriyarare 21:1, 2.

Odu-uwem mmọn̄ okosuk akaka iso efehe oto ke ebekpo Abasi, Eriyarare 22:1-5.

SE EKPEPDE EBAÑA

Itie-ukpono Abasi

“Enye ada mi ke nkukut Abasi edi ke isoñ Israel, onyuñ onim mi ke enyọn̄ ata edikoñ obot kiet, ndien se ibietde obio eke ekopde odoro enye ke enyọn̄” (Ezekiel 40:2). “Men kpukpru se afo okutde tiñ nnọ Israel” ekedi mme item emi Ezekiel ọkọbode. Emi ekedi ini eke Jerusalem okodude ke ńwure, enyuñ efopde Itie-ukpono Abasi ke ikañ. Ema esuan nditọ Abasi kpa Israel edọn̄ ke mme idut ke otu isen owo.

Ekeme ndidi Abasi ke ima Esie ọkọnọ etop emi ye ńkukut emi ndidemere idorenyin ke esit Ikot Esie ke usen eke edifiakde ebọp obio ye Itie-ukpono Abasi. Edifiak nnam obio ada ke idaha esie ama odu, ndien ema enyuñ ebọp Itie-ukpono Abasi efen ke idak nda usuñ Ezra ye Nehemiah, edi Itie-ukpono Abasi emi Ezekiel okokutde mi ama enyene ukpuhọre ye Ufok-Abasi oro. Ama enyene ukpuhọre ńko ye Itie-ukpono Abasi Herod; ke akpanikọ tutu osim mfin, owo ibopke utọ Itie-ukpono Abasi oro. Akpana ọsọnọ mme Jew ke eyo oro ye eke eyo emi idem ndinyene idorenyin ete eyebop Itie-ukpono Abasi oro Ezekiel okokutde ke ńkukut.

Odu-Uwem Mmọn̄

Ke ini ńkukut Itie-ukpono Abasi ama ekebe, Abasi ama anam Ezekiel okut edisana idim mmọn̄ emi efehede ọwọrọ ke idak ubek ibokpot. “Mmọn̄ emi ọwọrọ ke adaña edem usiaha-utin, onyuñ osuhọre ke itihere Jordan, okosim ke inyañ. Enye ọwọrọ ke inyañ, ndien mmọn̄ (inyañ) akabare ọfọn. Ndien ama ekem, kpukpru osimde ko; koro mmọn̄ eyekabare ọfọn; ndien kpukpru oruk ńkpọ eke akpa mmọn̄ oro edisimde eyedu uwem” (Ezekiel 47:8, 9).

Eti-Mbuk

Odu-uwem mmọn! ọkọk-udọnọ mmọn! Nso utọ utibe Ikọ Jesus Christ! Ofiọrọ ọwọrọ ke eyen Abasi oto ke mfọn Calvary, Ikọ Abasi ada erikọk ye erinyaña edi ke ebiet eke ededi eke enye osimde. Ke mme isọn emi akakabarede edi ukpọk oto ke idiọk-ńkpọ, uwem ye erinyaña etiene edikwọrọ Eti-mbuk. Mme ukpọn emi ekekpañade oto ke idiọk-ńkpọ enyene uwem eto ke ikọ Abasi emi mmọ ekopde. Mme ikpọhidem emi ekekopde mmemidem oto ke udọnọ ekop nsọnidem oto ke odudu Eti-mbuk Jesus ọkọdọhọ ete. “Ami ńkedi man mmọ enyene uwem, enyuń edọdiọn enyene ekan” (John 10:10).

Akpa owo idem didie ndikere nte owo inọ ke krọs akatuade ńkpọfiọk ke idiọk-ńkpọ onyuń enyenede itie ke Paradise! Etubom ke otu mme Publican onyimede ndinọ utim ikanań ńkpọ ekededi emi enye ọkọbọde ke idiọk usuń, ńko ńwan emi ekemumde ke efibe okopde mme ikọ emi “Ami nnyuń ntipke fi ikpe; nyọn okuo; kunam aba idiọk-ńkpọ” (John 8:11). Mmọn uwem Eti-mbuk emi ama aka iso ndisuana ọtọnọde ke eyo mme Mbete tutu osim mfin emi. Iren ye iban mfin emi ke ekop odudu edikpuhọre emi otode ke Eti-mbuk. Mme inọ, akpa mmin, me esin efibe ye mmọ oro ebatde idem mmọ ke ndinen ke eyom edifen ye uwem ke ndisaña ntiene Christ.

Erikọk

Edikọk ńko, edi se ekutde ke Eti-mbuk oto ke erifak emi odude ke Calvary. “Edi enye akada unan abaña mme idiọk ido nnyin, anuaha abaña mme ukwań-ńkpọ nnyin: ufen odoro enye ke idem man nnyin ikut emem; ndien inia esie ọkọk nnyin” (Isaiah 53:5; Matthew 8:16, 17). Osuk aka iso ńko ndisọnọ erikọk emi odude ke Iyip Erifak: “Edi ke ini osimde mbubreyo, eda ediwak owo eke enyenede demon esọk Enye: Enye onyuń ada ikọ inua Esie ebin mme demon ọduọk, onyuń anam kpukpru mbon udọnọ ekop nsọnidem man osu nte prophet Isaiah ọkọdọhọde, ete, enye ke Idem Esie ọbọ mmemidem nnyin ada onyuń obiom mme udọnọ nnyin.”

Ọnọ-uwem Idim oro ke efehe, ndien ke ananam mme utibe erikọk emi Ikọ Abasi etińde ikọntiense ebaña. Ekọk kpukpru oruk udọnọ ke eyo nnyin emi oto ke edibọn akam; ediwak ini mme ńkpọ emi ọsọnde akan mbia ibọk ererimbot ekut usọp-usọp ubọhọ ke Christ.

Ndisiaha Obube

Jehovah ọdọhọ ete, “O enyọn, mbufo eyik ńkpọ emi, enyuń edikhe, yak idem onyuń akpa mbufo eti eti. Koro Ikọt mi emenam idiọk-ńkpọ iba; emekpọn Mi idim mmọn uwem enyuń etibi obube enọ idem mmọ, kpa ndisiaha obube eke mikamake mmọn” (Jeremiah 2:12, 13). Ukem-ukem nte Israel ekekpọnde Abasi enyuń efiakde ebine ndem, kpasuk ntre ńko mme owo mfin emi emi ekpọn odu-uwem mmọn enyuń efiak etiene ikpikpu ńkpọ uwem emi ye idorenyin ndiyuhọ ukpọn mmọ. Eti-mbuk edi odu uwem idim emi adade emem ye uyuhọ ọsọk mmọ emi eyomde erinyaña. Kpa ye oro, ke ufọt ido ndutime ye eńwan ntarenyin eyo mfin, ibat owo efiak etiene Abasi. Mmọ eken etibi enọ idem mmọ ndisiaha obube eke mikamake mmọn.

Ata ediwak owo ke efiak ebine mmin ye mme ńkpọ emi edinamde ukut mmọ ọsuhọre utu ke mmọ ndikpoyom iberedem Edisana Spirit emi ekemede ndinọ mmọ uńwam. Ndusuk ke eyom ke mme idiọk-ńkpọ eken ndinyene inemesit, ikpańke utọn inọ eńwońọ Abasi. “Afo eyewut mi usuń uwem: uyuhọ idaresit ke iso fo; ńkpọ inemesit ke ubọk nnasia fo ke nsinsi nsinsi” (Psalm 16:11). Mmọ emi ewọnọrede etiene inyene ewak, idiọnọke ite “Owo enyene se enye-nyene, uwem esie isineke enye ke ubọk” (Luke 12:15). Ke akpanikọ ndisiaha obube enyene kpukpru mmọ emi miyomke ndibem iso nyom “obio ubọn Abasi ye edinen ido Esie” (Matthew 6:33).

Ubom Idim Mmọn Uwem

Idim uwem Ikọ Abasi ọtuńọ onyuń okpon, ukem-ukem nte akwa inyań emi Ezekiel okokutde. Tọsin ibio-idomo-okuk emi edide ikpat 1500 akada anditiń ntiń-nnim ikọ emi ke itọn ukot, edi nte enye etienede, mmọn emi aka iso ndituńọ nsim edọn, osim isin, osim mmọn ndiwọk ata akwa inyań emi owo mikemeke ndisaña mbe. Ukem-ukem oro edi ye Ikọ Abasi Jesus Christ nte owo akade iso, enye okut nte osuk akade iso ndituńọ, okpon onyuń efehe.

Ndusuk owo edomo ndiduk ke mmọn nnyuń mbọ erinyaña ukpọn, edi etre nditat enyin nse ediye edisana ubọn Esie. Edieke mmọ editienede owo emi ye edidomo uruk eke tọsin ibio-idomo

okuk kiet efen, nso utọ mme eridiọ́n ke mmọ edibọ! “Ọfọfọn ọnọ mmọ eke esit asanade: koro mmọ eyekut Abasi” (Matthew 5:8). Nso idi ntak ndien owo akpabiatde ini ndisaña nkesim ebiet emi “akpa odu uwem mmọ́n eyeto enye ke idem ọwọ́rọ. (Enye ọdọhọ emi abaña Spirit emi mmọ emi ebuọtde idem ye Enye edibọde . . .)” (John 7:38, 39). Akananam owo isañake ibe idim oro isim nkañ eken; mme utuño esie edi se owo midioñọke; ndien enye ke aka iso ndifehe nnọ mmọ emi edisañade isim obot, ndien ke mbuotidem edomo ndisaña nka iso nsim ọyọhọ ubọn Abasi. “Uwak ọniọ́n ye ifiọk Abasi edituño adaña didie! Mme ikpe Esie ekak owo ndiduñọre adaña didie, onyũ ayaña owo nditiene nde usuñ Esie” (Nwedi Mbon Rome 11:33).

Mme Nkpọ Emi Edisoñọde Ida Ke Ini Iso

Ukem-ukem nte Ezekiel okokutde idim nte efehede oto Ufọk-Abasi ke Jerusalem, nre ke John Edima okokut “akpa mmọ́n uwem, emi asakde nte crystal, emi otode ke ebekpo Abasi ye eke Eyen-erọ́n,” (Eriyarare 22:1). Isuñi ikoduhe aba, ndien Abasi okoduñ ye Ikọt Esie. Okposuk edi nte Etimbuk odukde owo idem onyũ ọyuhọde ukpọn, idorenyin mme anditiene-Christ ọdọk okoñ akan ererimbot idiọk-nkpọ emi tutu osim usen emi mbuotidem ediwọrọde ada.

Nnyin imọfiọk ite Jerusalem eyedi ibuo ọnọ ofuri ererimbot ke tọsin isua ke ini Christ edikarade ke isoñ emi. Eyebọp Ufọk-Abasi emi Ezekiel okokutde, ndien idim mmọ́n uwem eyeto do ọwọ́rọ man ọnọ Inyañ Mkpa uwem. Nso utọ akwa idorenyin ke anditiene Christ emi akande enyene ke ndidu uwem nnyũ nka ye Christ ke tọsin isua ke isoñ emi, ndien ndinyũ ndu ye Ọbọn ke nsinsi ke Obufa enyọn ye ke obufa isoñ! Idim uwem eyesuk aka iso ndiwọrọ ke ebekpo Abasi ye eke Eyen-erọ́n. Ke edem nkañ kiet Eto Uwem eyedu, emi osioñode mfri esie kpukpru ọfiọn. “Eyak ikukpa mba ke erinam eti nkpọ; koro ke edikem ini nnyin iyedọk mbuñwum, edieke nnyin miyakke idem emem nnyin” (Nwedi Mbon Galatia 6:9). Ke akpanikọ akamba utip ana ọnọ mmọ emi edisinde ifik ke usuñ mmọ isim obio ubọn Abasi!

MME MBUME

- 1 Ibio idomo okuk ọniọ́n didie?
- 2 Nso ikpedi akpatre idaha ubom ke nkpri nkaha ke inyañ emi Ezekiel okokutde?
- 3 Inyañ emi ada ọnọ nso?
- 4 Nso utọ odudu erinam ke inyañ emi ekenyene ke ebiet eke enye akasañade osim?
- 5 Domo ndise emi Ezekiel ọnọde mi ye nkukut John ke ukpep-nkpọ emi.
- 6 Ini ewe ke nkukut Ezekiel edida itie? Eke John?
- 7 Eto uwem oñwum oruk mfri ifań?
- 8 Eto uwem esisioñọ mfri ikafań?
- 9 Eda mme ikọn eto emi enam nso?
- 10 Siak ndusuk mme ukpuhọre ke obufa isoñ.